

IBISIGARABUSIZI

BY ITUZE Richard.

Intangiriro.

Iki gisigo “ibisigarabusizi” cyahimbwe na Ituze Richard [_magayane] kikaba kigamije gusigasira no kwagura inganzo y’ubusizi mu rwanda muburyo bwo gushyomozanya cyangwa se kwenderanya binyujijwe mumagambo.

Iki gisigo cyibanda cyane kumitoma y’abatoya, aho bashyomozanya bavuga ku by’urukundo ndetse nimbaraga zarwo murubiruko.

Muri iki gisigo turasangamo ubusizi buhambaye bwakomowe kumitoma yaterwaga impumbya mubari b’urwanda rwa kare. Tuze gusangamo kandi n’inganzo y’ibitutsi ndetse ninganzo yo gushyoma. Ariko byose bikoze muburyo bw’ikiganiro cy’inshuti z’akadasohoka zari zahuriye aho zavomye ubushuti n’ubusizi.

Muri zo turahasanga:

Muheto, Mumbya, Mpumba, Zihinjishi, Karera, Nganji, Juru, Ruganzu.

JURU

“umuto wo gutumwa, juru rijigije, akaba inyange irusha izindi kwera”

NGANJI

“umugabo ruhiga mihigo rwa rusohozza migambi, icyo mpize ndagisohozza, ngira isumbya mubasore iyo basobanuye ingenzi ndabanza ndi nk’umuravumba w’igicuku, amakare nkayikirunga cyarutse iyo nsubijwe inyuma ngira uburakari nk’ubwintare yabyaye. Nyamara ndaje rugaragara neza rwema rwumuhungu jigija ridatinye iyumuhindo”

ZIHINJISHI

“wamukobwa wavutse ababyeyi baterera hejuru, kuko naremewe kurera ibyera mumuyango, nge sinterwa ndatera, noyo ntewe ndanesha, ndi umuhanga urangwa n’amahanga, uwa rugira wangize uko ndi”

MPUMBYA

“ndi impumbya ya nkunda Urwanda, nkaba mpinga nziza izira impumpu, nkahorana impundu itabura impamvu, impumuro yange ikagana ntere, impanuro nkazitanga impuruza, maye impundu zikavuga hose, mugihe impumu zishize hose. Ndi umunyarwanda kazi wumwana wurwanda nkitwa mumundarwanda impamo y’Imana namwe nabakunze”

MPUMBA

“ugirango nge ndibwira ko niyibutsa se, haha baranzi impamo ya rugira azinduka arema akanaremera urwanda. Nge baranzi kungomaya kirezi cya kibaya, ndi nyamunigana umugabo umuganda wamacumu. Ndi kandi umugabo wivuga umwanzi agahunga umukunzi agasanga, ati; vuga murundi utajya arundwa I kambere kuva na kera hambere.”

KARERA

“ ni ngewe rebero ry’abakobwa kamere yange izira agakungu nta mubano ngirana n’imburamukoro kuko ndisobanukiwe sinsamara si n’ibanga kwandagara no kwandavura mbizira urunuka. Nkwiye ikwano nkwiye inka n’inyana zazo kuko ndi ubikwiye murwagasabo ndi bibero byabashija bibaruka, nkaba ikibaya uwange atahingamo ngo arumbye, nzigama ibanga ntaho ndi biri hanze abanje simbateza abandi babanda ibindi”

MUHETO

“ndi muheto nkaba nzanga ya rwirozonga, umutahirananyambo cyomoro cy’aboro ubuheta budahetamye nganji irekera ingamba abandi ataruko naganze ahubwo kuko ndi rwivugira mubibaya umubisha agahungira mumihana, kuko ndi ruvuguruza nteko rwa rugarara rugaramye I rwanda, rucumitamihigo muto utari gito”

mucyo rero dutangire iki gisigo cyacu:

NGANJI

ubu nshotse nshoye urubanza nti: none ubwo niba utari shebuja w’uruyenzi

ubwo nturi umuzirika mbeba mumihano yazo,
nge ndakureba nkumva naguha iya rusingizwa mubyiza
ariko nakwibuka ko wayirahira gusa ugataha uko uje
ibikoba bikankuka nkumva macinya inceka.

Nukuri asa nkuwariye

ariko ntasa nkuwariraye

nunkundira tuzabana nkukamire rusingizwamukamo

ndetse na ruteteza itetesha abato!

Ariko bitanakunze GIRINKAMUNYARWANDA izakugoboka

wenda turore ko wagira ingabo ukagaba unagabana

mbe muheto udahese!”

MUHETO

Ngwiki? Nkawe rwose urantunguye!
Nako reka nibwirire uyu mwali wenda we yanyumva
nubwo asa nudashobotse.

Mwali rwose urantungura
sinkunda uko wikunguza
kumvugo zamafuli winyuzwa hirya ukisetswa
nge se ubona ibyo byankurura?

Mpora rwose nkubona munzira utambuka
shenge wikubita hirya hino inyuma sinakubwira,
ugirango se waba uwa gakuru nakuzungura?
Nako bakwise neza bakwita bitwenge,
iyo mpaba nari bukwite bitenge
ngo wenda ndore ko wareka ukava mumakabutura
dore ko ariyo uzi nkaho utari umunyarwanda
nako banambwiye ko uri n’umurundi
umwe utajya uhagarwa kurundwa munzu.

Dore uko asa!
Kandi ngo arakanura nk’imbwa yibye ay’umwana
ngo cyana cyiza niyo ningwa,
wakomerwa yombi ugatwenga,
ukirirwa muri icyo kinyenga
nkaho aribyo bizagukosha
wowe se uwagukwa yagutwara he utazi no guteka
nako utazi no kurunga.
Dore ko ntawagukoza ibyo guhinga.

Hahahahaha!

Nako reka noye nticokoreza umukunzi

dore nakinaga mwene busyete

icyana cyiza kizira icyasha?

Ahaa..

nakinaga ndeba niba uri igipfura

gusa nsanze burya utari icyomanzi

ahubwo warabyirukanye ubupfura,

erega mukunzi nubwo abaraha bo batabizi

nge ndagukunda rumwe rwamabara.

Ngaho nsekera naho utandirimbira,

wenda ahari ibyo byanyura!

KARERA

ngwiki? Muhe...

burya se aya mataye yange yatitije umutima wawe

nange nkaba ikigwari sinkabimenye?

MUHETO

yego rwose mwali ukunze wankundira

nkakwambika umwishya ejo nkazakwambura

umwana usa nase

maye rubanda bakamunyita

nange nkamwihimba.

KARERA

ziba.....

cyakora ubwanyuma wari uvuze ukuri

nubwo atari ko uri,

rugira yatugize babiri

impamo yose nge nawe turi ukubiri nkibikingi byamarembo
kabone niyo waba umwami wazo
dore ko uri uwimbwa
nge nawe ntitwahuza umubiri
yewe no guhuza iminwa,
ariko rubanda ntimunagira isoni.

Hmmmmmm...
ubwo nawe rero uraje wuje amerwe
umutima watatamukiye muwange,
nubwo nge ntabizi.
Maye barakuntega
wagitegego we
ngo nkukunde nkutuze muwange.

Erega urizebanze urasamye
namata ntiwayamize,
namenyo ntiwayapfutse
wagirango ni uwakuntumye.

Erega ntanisoni ukanyuzuza ako karimi kawe
ukamvuga hoshye usingiza rugira....
Arko rubanda basara ukwinshi!
Impamo nge ubu numiwe..

Mwese mujye mutuza
ayo mateshwa ubu ndayahaze
nako kuva kera narayahaze
mwoye no gukomeza kunesesema

mutavaho munantera umutima
dore ko ryarashe rikaba ryenda no kuzima
aho buker a nimbakoma
aho ntimurajya mwarimbuka.
Cyo nimuyafungure ntacyo murabona
mwe muratontoma
navuga mukikunguza
hoshye iya gatunguru
imwe ngo ni kazarusenya irara ihagaze .

Cyo rero ndababwiye ngo maramara
kuko injyana ubu ni urukundo.
Iki se cyiki ko nduzi mundeba
mudakomeza kunyoshya rero
nticokoreza umukunzi
nkavahonarenga akarwa
nkisanga iya ndorenduhindure.

Muheto umukunzi kuva I bwana
aho twahoranye ibwanacyambwe
mukunda nawe inyikirizo ariyo
ahubwo se ninde kwisi wamundutira
rata urwo unkunda rumpamo
nirumpame by'impamo
kandi nkweguriye iki kibaya cyose
uzazihinge nkuko wifuza
unyambike umwishywa
ejo uzanyamure umwana rwose mukundwa...

JURU

Ariko rubanda barabandana si inkuru

zimwe z'inkanda zamafuli!

Ngo uramukunda?

Erega yanahimbawe sinakubwira,

ngo yagutwaye uruhu adasize uruhande

abandi bese baraguhanda

wirirwa umuririmba mumihanda

ngo azagutwara mumahanga

ahaaaa...

ngo agukoraho ugahita utwarwa

muri kumwe ukumva ubasha...

umubiri wese ukumva ushaka,

maye inyuma y'igituza

umutingito ugatera,

udusozi indatwa sinakubwira

natwo tugashinga nkamabere ya bigogwe

ariko rubanda basara ukwinshi?

Umva rero nkwi bire akabanga mwana wa mama

kuko bakwangije baba batansize

urwa kivandimwe nirwo nkukunda

cyo tegera amatwi umuhanano

wuve ubangure nkubwire....

Wenda wagira ako utora

Dore eje n'ejo yaguhaga,
urwo rukundo akubwira namabwire
maye indi nkumi ikamugutwara
maze abandi tugaseka twese,
nako warakunze ntugasekwe disi...

erega nkubwira ibi ntakwanga,
wagiye umfatiraho urugero
ngewe umuto utari uwo guta umwanya
nyiramaribori yatitije abarebyi
gitego cyatsinzwe nuwambyaye
uriya musore ntiyanyegera...

umusore winzozu zisobanye,
intekerezo nazo zihabanye,
intege zo zirebana
namasunzu yasuruye,
harya ngo ni murasanyi wabato utegera bandi
usibye uwo yahengamiye?
Uriya namugaye
yewe sinanamugana..

Nako reka noye dore ntawunegurira umuzimu mundaro
rudasumbwa wawe ntakagawe maye
dooore ngewe matako yabazigaba
icyana cyamaraso meza sinkafatwe ngaya rudasumbwa uriya
icyana cyahaze inkarango
cyuje ubwenge nubuhanga buhamagara buri wese.

Cyangwa wahone undeba munsu yibirenge
utazi ko nkusumba mukirere
umva di....
Dore inshuro nambaye ikamba
nge sinakwikoza aya makashi
yo kwanga ikwano murwadata
burya nanamurebye numva ndanamukunze

MPUMBA

Ngwizi urabona ngo urahingutsa iryo jwi ryawe
risa nkiryabya bivunvuri.
Harya ngo uvumuye ute?

Wigize umukenyera wa rugamba
ugeze no muwange ufata ingamba,
maye uratura uranatunga,
reka sinakubwira ubu uwange warawutwaye erega?
Ariko abagabo barabona
nange ubu ndabonye...

Mbega umwali utafata ikamba
uri nk'igisambasamba
nakoubu uri inyuma ya bose
uanza narakuzanye nasinze
nako nahaze agatama kakantama
maye kakantamariza icyago weho

Juru, ndibuka kera ukiri umutoma
kera ukiri umunyoma
ukiri umurundi mwiza
umbira urukundo nkakwikirizanya ubwira
nti yego rwose mukunzi
maye uti ninkukunda nkahagutuza
uzambyarira ibibondo
ubitoze umuco gakondo
none wowe uratinyuka ukanenga
umwana wiwacu

Harya ngo wari ijuru ubu manza warabaye icyo ntazi
mbe cyomanzi natunze ...
uko niko natashye urugo rwanyu
maze ubu juru ndamutashya
ngo azantuza mwijuru maze andinde itaka ryiyi si
wenda ngo anantize kumuco
dore ko umwijima ntuye
usumba isi nabayituye.

Mwabagabo mwe se mugirango simbabaye
nukuri ndababwira nge ndarushye
uzi guturana numugezi uhurura amazi
ariko ukicwa nicyaka ukuntu
bitera agahinada?

Disi nanakinaga rero
nawe yageze aho arahindukira
reka ndeke ntakoza agati muntozi
ntatuga ikibyimba agakwasi
ntakinisha aho ntakwishima
ntasaza izi nzuki zikandya zitababarira

iki rero cyari ikibanza cyo gutomora
rata juru ndagukunda!

Juru, ngirango ahari Imana ijya kukurema
byayitwaye imyaka irimo ishyiraho aka naka
igutaka amajoro yose irara igusiga
igucongera ingohe igucira inzara
mugihe abandi yabaremaga
umunsi umuntu akaba yiruka
akora hirya ndetse no hino

Juru rata ndanagwikundira yari ayo yose
asumba uko ndeshya.

ZIHINJISHI

Juru ugize uti iki?
Ugize ngo niyo yaba mirenge,
agasumbya abandi ubushake bwo kugushimisha
ngo nubundi ntiyagushitura
burya uwamaye ikirezi ntamenya ko cyera,
nukuri urakabya rwose.

Ntanisoni dore ko utanazigeze di...
nge icyampa amahirwe ngo anyirebere iryya ndoro
cyangwa ngo angenze uku akugenza
ni impamo yose mba nkwambuye namwiha mwihaye

none weho ngo iki...
rero nge niyo yaba iki
umwana wumuzigaba ndakurahiye
njye uko niko nabaye

reka nkubaze
wabaye ute di?
Rero genza gake nkwiye mbonereho nkwihanize
sigaho guhora usenda ubbenga amabengeza dore barabuze,
uretse uyu abandi babaye ibisare

Harya mpumbya we
wowe uti iki?

MPUMBYA

um, ngwiki?
Ngo iteka ataha wicuye
ukamutura amarira
ukanatinda guhora
kubera inkunga ataguha
yo kukugenda ikibaya
maye rukabura uwaaruca?

ZIHINJISHI

Vuga gake di...

oya winteza rubanda

utavaho urenga akarwa

utaye ibyo ntagarura

ngo nuko uri nyirakuri

...

MPUMBYA

Iby'iyo hepfo kwiriba

hahora amazi uyafubitse

ubwo uwo mutware witwa atyo

ahora ahunzwa inshingano

ntanahasura byanyabyo

ngo iryojume ryawe rishire

ahubwo induru ikarema

aaaa ngwiki?

ko numva byaba ari ishyano

nka rimwe rya gashyantare

ubu uratera ntakome

hoshye uwanze kungoma

nukuntu uri igishongore

ndabyumva nkumva ndumiwe

ubuse ukuntu ubayeho

ujya ubigenza byibuze

ukabikenga unirora

ngo urore impamvu ibigena

ko atari wowe mpungiro
ngo ubone ushinje umugabo?

Niba atari uko ubikora
ugende ubanze wicare
uce bugufi bucece
ucunge isaha atahira
aze gusanga wicaye
nucinya inkoro azacuba

muri ako kanya akinjira
uzamukeeze kurukoma
ubwuzu bwinshi unaseka
mu kajwi keza wicare

azagukunda rwikube
iriba ryawe ayobokeye
maz agahinda wagize
kazanyura icyanzu gahere
guhera ubwo mwishyuke

kandi si ugushyenga
nyabuna nibicamo
uzagura akantu
dore ko muajya mwibuka
nako ngo iyaneye kazutu
ntijya ireka na myambi

Ibisigarabusizi by Ituze Richard[_magayane]

Ayabashyomyi aracyisuka cyo nimutegereze igice cya 2

...